



# Kajitōk ko Ekut Kajitōki ilo Melele in Kajinet eo ñan Bar Bellok ilo Alen Ruo

## Rikōmadmōd ro an Jikin Kamōnōnō Iloan Em im Inabōj (Kar kōkāāl 9-2-2020)

### Kōmelele

Elōñ jet uwaak ñan kajitōk ko ekut kajitōki (FAQ) kin Melele in Kajinet eo ñan Bar Bellok ilo Alen Ruo jen Maroñ kin Ejmour eo an Oregon (OHA): Rikōmadmōd ro an Jikin Kamōnōnō Iloan Em im Inabōj (melele in kajinet eo ñan [Jikin Kamōnōnō Iloan Em im Inabōj](#)). OHA ej lelok im emaroñ jab ikut an kōkāāl melele ko ilo FAQ in ñan jibañ an armij melele kin melele in kajinet eo, uwaake kajitōk ko an armij ro rej bōk kwōnaer, im kalikar wewein an melele in kajinet eo maroñ jermal ilo jejetin melan ko. FAQ in ear jab kōmman ñan bōk jikin melele in kajinet eo ak jibañ ñan ukōte, kakkobabalok, im jibañ kalikar tipdikin melele ko ilo beba in kajinet eo. Melele in kajinet eo ñan [Jikin Kamōnōnō ko Iloan Em im Inabōj](#) im FAQ ko remaroñ jermal wōt ilo juon county im emōj kōmelim an Bar Bellok ilo Alen Ruo.

#### **K1: Emelim ke jikin arcade im laser tag ilo Alen 2?**

**U1:** Aet. Lale Melele in kajinet eo ñan [Jikin Kamōnōnō Iloan Em im Inabōj](#) ñan mennin aikuj ko ñan kōmadmōd im laajrakin karreo ñan makūtkūt kein. Makūtkūt ko rekkā im remelim emōj kōlaajrak ilo [Kein Jermal an Melele in Kajinet ñan Bar Bellok](#).

#### **K2: Emelim ke an kōmadmōd mōko “bounce houses” im gym in ikkure illoan em ilo Alen 2?**

**U2:** Jab. Ejab melim an jikin kamōnōnō rot kein kōmadmōd ilo ien in. Makūtkūt ko rekkā im remelim emōj kōlaajrak ilo [Kein Jermal an Melele in Kajinet ñan Bar Bellok](#).

#### **K3: Ta mennin aikuj ko ikijen karreo juon imōn alwōj bija ikōtaan ien ikkure ko?**

**U3:** Rikōmadmōd ro an imōn alwōj ko reaikuj in karreo im manman kij jen ijoko elab makūtkūt im ekkā jibwe illoan imōn bija eo - ekoba jea im tebōl ko — ikōtaan ien ikkure ko. Rikōmadmōd ro an imōn bija ko reaikuj in lukkun karreoiki imōn kōbojak ko ejab diklok jen ruo alen ilo juon raan im, ñan joñan aer maroñ, lolorjak ke ebwe kein karreo (joob, toilet beba, kein manman kij in bā) ilo aoleben juon raan. Kōjermal kein manman kij ko emōj likūt ilo [laajrakin etan kein karreo ko emōj an Obij in Kejbarok Melan \(EPA\) kōwebben](#) ñan SARS-CoV-2 im ej kij in nañinmij eo ej kōmman COVID-19. Ejañin wōr juon kein karreo emōj likūt melele ko an ej ñan COVID-19, ak elōñ kein karreo ko im ewōr aer kōmelele ilo website ko aer kin aer jermal ikijen coronavirus eo ibben armij.

**K4: Ta kakien ko ñan kōmadmōde juon ien alwōj ilo juon baj an rilotok?**

U4: Rikōmadmōd ro rej kaalwōjwōj reaikuj loor [Jejjetin Melele in Kajinet ko an Obij ko rej bōk Eddon lal in Ito-tak](#) im [Melele in Kajinet eo an Alen 2 ñan Jikin Kamōnōnō Iloan Em im Inabōj](#). Komij aikuj lolorjake bwe en wōr ejab diklok jen jilu (3) ne ikōtaan bajinjea ro aoleb ien. Komij aikuj lolorjake bwe en wōr jiljino (6) ne ikōtaan rikattōr eo im bajinjea ro, ijellokun ilo ien aer uwe im ilo ien jibañ ro ewōr aer kein jibañ in makūtkūt. Rialwōj ro ilo juon wōt droulul remaroñ ebaaklok aer jijet ibben doon jen jilu (3) ne jen doon. Rikōmadmōd ro an ien kaalwōjwōj ko reaikuj in karreo baj eo ikōtaan kajojo kumi in alwōj, ilo an lab aer karreoiki ijoko ekut jibwe. Rikattōr im bajinjea ro reaikuj ekōnak kein kalbubu iturin māj ekkar ñan [Melele in kajinet eo an Aoleben State](#) eo kin Kein Kalbubu Māj ko an Jikin Taktō, Kein Bōbrae Iturin Māj im Kein Kalbubu Iturin Māj. Rikōmadmōd ien kaalwōjwōj ro reaikuj in kadiklok joñan ito-itak ko rejab aurōk ekkar ñan Wōtar in Kōmman ko an Governor eo.

**K5: Emelim ke alwōj ooj ko ilo Alen 2?**

U5: Aet. Rikōmadmōd ro an makūtkūt kein reaikuj loor [Melele in Kajinet eo ñan Bar Bellok ilo Alen 2 – Rikōmadmōd ro an Jikin im Makūtkūt](#). Rikōmadmōd ro reaikuj kōmman joñan kakobaba ko ñan elabtata 100 armij iloan em ak 250 armij inabōj, im en jab lōñlok jen 250 iloan em im inabōj, ak wōran armij, ekoba rijerbal, ekkar ñan aer bwini wōran armij ñan joñan ijo (jukweea ne/wōran armej), jabdrewōt eo ediklok, im loor [Melele in Kajinet ikijen Kakobaba an OHA](#).

**K6: Emelim ke an baak in kamōnōnō bellok ilo Alen 2? Ta melele in kajinet ko ñan karreo juon baak in kamōnōnō?**

U6: Aet, elañe rej loor [Melele in Kajinet eo an Jikin Kamōnōnō Iloan Em im Inabōj ilo Alen 2](#). Rikōmadmōd ro an baak in kamōnōnō reaikuj kōmman joñan wōran kakobaba in armij ñan elabtata 100 armij iloan em ak 250 armij inabōj, im en jab lōñlok jen 250 iloan em im inabōj; ak wōran armij, ekoba rijerbal, ekkar ñan bwini wōran armij ñan joñan ijo (jukweea ne/wōran armej), jabdrewōt eo ediklok. Ñan joñan aer maroñ, emōj rōjañ an rikōmadmōd ro jitōñe juon rikaruwanene armij ak rikajijet armij ñan bōk eddoin lale an armij kōttolok jen doon ilo ien aer kōttar ilo lain in deloñ ak diwōj jen ijo. Lale melele in kajinet eo ñan Alen 2 [Jikin Kamōnōnō ko Iloan Em im Inabōj ñan](#) jejjetin aikuj ko ikijen karreo.

**K7: Rej ke watōk juon jikin kaalwōj/jiña einwōt juon museum ak juon imōn wia?**

U7: Mōko imōn kaalwōje jiña ren loor melele in kajinet im mennin aikuj ko an [jikin imōn wia](#). Mōko imōn kaalwōje jiña im rej kōmman makūtkūt rej aikuj loor [Melele in Kajinet eo an Rikōmadmōd ro an Jikin im Makūtkūt](#).

**K8: Elañe elōñ ruum in alwōj ko rejebel ilo juon mupi theater, joñan wōran armij eo elabtata ñan joñan ijo (100 armij ak bar juon nōm̄ba ekkar ñan aer bwini joñan ijo) ñan kajojo ruum in alwōj ke ñan aoleben ijo?**

U8: Rikōmadmōd ro ilo imōn alwōj bija ko reaikuj loor [Melele in Kajinet ñan Rikōmadmōd ro an Jikin im Makūtkūt ko](#). Rikōmadmōd ro an imōn alwōj ko reaikuj kōjepel aoleb jikin im makūtkūt ko rejenolok iloan em im rej kōmman ilo juon wōt ien

im ilo ejja jikin eo. Armij ro rar itok/bök kwōnaer ilo makūtkūt ko rejenolok im rej kōmman iloan em reban kōjberbal juon wōt jikin, ekoba imōn kōbojak ko.

**K9: Hookah baar ko rekilōk ilo ien eo jinointata ilo ejellok ien iomwin Wōtar jen Ra In Loloorjake eo an Governor 20-27. Nāāt eo renaj kōmelim aer bar belloq?**

U9: Ilo ien in, emo an aoleb Hookah baar ko kōmadmōd ilo state eo, koba county ko ilo rebed ilo ien eo jinointata, Alen 1 ak Alen 2.

**K10: Emelim ke loon me ewōr aer injin “jet” kōmadmōd ilo ien eo jinointata, Alen 1 ak Alen 2?**

U10: Aet, loon ko ewōr aer injin “jet” remelim in kōmadmōd ilo county ko ilo ien eo jinointata, Alen 1 im Alen 2. Riwia ro im rijerbal ro rej aikuj kejarok aer bed jab diklok jen jiljino (6) ne jen doon aoleb ien im loor [Melele in kajinet eo an Aoleben State eo ikijen Kein Kalbubu Māj Einwōt ilo Jikin Taktō, Kein Bōbrae Iturin Māj, im Kein Kalbubu Iturin Māj](#). Ilo county ko rebed ilo Alen 2, rikōmadmōd ro an loon ko ewōr aer injin “jet” remaroñ kōjberbal kein bōbrae eo einwōt plexiglass ñan binej jenkwān aikuj eo ñan ettolok jiljino (6) ne jen doon. Kein bōbrae eo ej aikuj in jaje ebök dān, bidodo ñan karreo, im ejab diklok jen juon (1) ne utiejlok jen aitokin bōran customer ro rej jijet im ejab diklok jen jilu (3) ne depakpakim ak ejab diklok jen depakpakim jikin jijet elañe depakpakim jikin jijet eo elablok jen jilu (3) ne. Plexiglass (acrylic) ak bar juon kein bōbrae eban binej jenkwān loor aikuj ko ñan ekōnak kein kalbubu māj einwōt ilo jikin taktō, kein bōbrae iturin māj, im kein kalbubu iturin māj einwōt kalikar ilo [melele in kajinet eo an Aoleben State eo ikijen Kein Kalbubu Māj einwōt an Jikin Taktō, Kein Bōbrae iturin Māj, im Kein Kalbubu Iturin Māj](#).

**K11: Eoktak joñan ko relabtata ñan jikin kamōnōnō ko an iloan em im inabōj. Ta melelein “jikin eo inabōj” ñan wūn ko ilo [Melele in kajinet ñan Rikōmadmōd ro an Jikin kamōnōnō ko Iloan Em im Inabōj ilo Alen Ruo?](#)**

U11: Ilo [Melele in kajinet eo an Rikōmadmōd ro an Jikin Kamōnōnō ko Iloan Em im Inabōj ilo Alen Ruo](#), “jikin eo inabōj” melelein juon jikin inabōj ejab bed iloan em im emaroñ wōr kein kalbubu juon raan an jidik ien ak emōj aer kōlaake, einwōt awning ak bōrwaj, im joñan wōt an jikin eo jab diklok jen 75% jukweea ne tōrerein ñan an kōto deloñ diwōj.

**Maroñ loe beba in:** Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Mavel Morales ilo 1-844-882-7889, 711 TTY ak [OHA.ADAModifications@dhsosha.state.or.us](mailto:OHA.ADAModifications@dhsosha.state.or.us).